

# JOB, JOHN THOMAS (1867 - 1938); gweinidog gyda'r Methodistiaid Calфинаidd, emynydd, a bardd

**Enw:** John Thomas Job  
**Dyddiad geni:** 1867  
**Dyddiad marw:** 1938  
**Priod:** Catherine Job (née Jones Shaw)  
**Priod:** Etta Job (née Davies)  
**Rhiant:** Mary Job  
**Rhiant:** John Job  
**Rhyw:** Gwryw  
**Galwedigaeth:** gweinidog gyda'r Methodistiaid Calфинаidd, emynydd, a bardd  
**Maes gweithgaredd:** Crefydd; Eisteddfod; Barddoniaeth  
**Awdur:** Enaf Morrice Job

Ganwyd 21 Mai 1867 ym mhlwyf Llandybie, Sir Gaerfyrddin, yr ieuengaf o bump o blant i John a Mary Job, ac yn nai i Thomas Job, Cynwyl. Yn 1894 priododd Etta Davies, Zenobia House, Ceinewydd; ganwyd tri o blant ond buont farw yn ieuainc. Bu farw ei briod yn 1901. Yn 1915 priododd Catherine Jones Shaw, Ty'n-celyn, Bryneglwys, sir Ddinbych; ganwyd mab a merch o'r briodas hon.

Derbyniodd ei addysg yn Ysgol Genedlaethol Llandybie ac yn ysgol '[Walcyn Wyn](#).' Aeth oddi yno i athrofa Trefeca. Derbyniodd y radd M.A. (' honoris causa ') gan Brifysgol Cymru yn 1932. Bu'n weinidog gyda'r Methodistiaid Calфинаidd yn Nazareth, Aberdâr (1893-8); Carneddi, Bethesda (1898-1917); Pentowr, Abergwaun (1917-38).

Cymerodd ran yn gynnar iawn ym mywyd llenyddol ei fro. Yn yr eisteddfod genedlaethol enillodd y gadair yn 1897, 1903, a 1918, a'r goron yn 1900. Enillodd y gadair yn eisteddfod San Francisco, 1915, hefyd. Cyfrannodd yn gyson i *Cymru (O.M.E.)*, *Y Geninen*, etc., a chyfrannodd nifer o emynau i lyfr emynau'r Methodistiaid. Cyhoeddodd gyfrol o'i weithiau barddonol - *Caniadau Job*.

Bu farw 4 Tachwedd 1938.

## Awdur

Enaf Morrice Job, (1918 - 1994)

## Ffynonellau

Gwybodaeth bersonol

*Y Traethodydd*, cxxii, 95-103

## Darllen Pellach

Erthygl Wicipedia: [John Thomas Job](#)

## Dolenni Ychwanegol

VIAF: [26841623](#)

Wikidata: [Q6260584](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n [tudalen codi arian](#) am ragor o wybodaeth.

